

《淨土十疑論》 補充講表

◎附表九：

○一者、外道相善，亂菩薩法；二者、無賴惡人，破他勝德；三者、顛倒善果，能壞梵行；

※《成唯識論觀心法要》卷四云：「若欲出輪迴，必先勤觀無我。然此第七識之俱生我執，

細故難斷。必先用第六識，與相應之正慧心所，依於大乘教理，如實

觀察，俾無我正解種子，漸熏漸著，至成熟位，方得無漏實智現前。

今人輒談六度萬行，而於破執法門曾不究心，求出輪迴不亦難

乎？……吾人發大乘心，須於唯識相性深生信解，然後修習菩提資

糧，可名順解脫分，否則縱修諸行，但是人天有漏之因而已。」

※澄叟法師於《淨土十疑論注》云：「人天之果，非無漏善，暫樂還苦，名為顛倒。」

○他力者：若信阿彌陀佛大悲願力，攝取念佛眾生：乘佛願力，機感相應，即得往生。

※《印光大師文鈔菁華錄》云：「眾生果能依佛之律教禪以修持，則即眾生之三業，轉而為


諸佛之三業；三業既轉，則煩惱即菩提，生死即涅槃矣。又恐宿業障重，或不易轉，則用陀羅尼三密加持之力，以熏陶之；若螺贏（音果裸）之祝螟蛉，曰似我似我，七日而變成螺贏矣。又恐根器或劣，未得解脫，而再一受生，難免迷失，於是特開信願念佛，求生淨土一門，俾若聖若凡，同於現生，往生西方；聖則速證無上菩提，凡則永出生死繫縛。以其仗佛慈力，故其功德利益，不可思議也。」螟蛉：桑樹小青蟲，屬於蛾類幼蟲。螺贏常捕捉螟蛉來飼養其子。

○易行道者：謂信佛語，教念佛三昧，願生淨土，：周行四天下，非是自力，轉輪王力也。

※《印光大師文鈔菁華錄》云：「《大集經》云：【末法億億人修行，罕一得道；唯依念佛，得度生死。】是知念佛一法，乃上聖下凡共修之道，若愚若智通行之法。下手易而成功高，用力少而得效速；以其專仗佛力，故其利益殊勝，超越常途教道。昔人謂餘門學道，似蟻子上於高山；念佛往生，如風帆揚於順水。可謂最善形容者矣！」

○然念佛三昧，並無漏善根所起，有漏凡夫，隨分得見佛身粗相也，菩薩見微細相。

◆念佛三昧：有事一心、理一心之別。（以下糅合《阿彌陀經要解》）



◆有漏凡夫，隨分得見佛身粗相也，菩薩見微細相。以下糅合《佛說觀無量壽佛經》

「次當想佛。所以者何？諸佛如來，是法界身，入一切眾生心想中。是故汝等心想佛時，是心即是三十二相，八十隨形好。是心作佛，是心是佛。諸佛正徧知海，從心想生。」

諸佛普徧能應物心：所以者何？諸佛如來，是法界身，入一切眾生心想中。

行者想成即具佛體：是故汝等心想佛時，是心即是三十二相，八十隨形好。是心作佛，是心是佛。

舉彼果德令信因心：諸佛正徧知海，從心想生。（以下糅合靈芝元照大師《觀無量壽經義疏》）

※《觀無量壽經義疏》云：「初句，徵：謂觀佛其利安在？諸下，釋：此中正說彌陀，以法

身體同，言諸佛。華嚴云：【一切諸佛身，唯是一法身；一心、一智慧，力、

無畏亦然。】此明諸佛果證法身，無所不遍；則與眾生因地法身，無二無別。

故眾生作想，佛身隨應。疏云：【眾生心淨，法身自在，故能入眾生心想中。

如白日昇天，影現百川。】故想佛，心即是三十二相、八十種好也。如勢至

圓通云：【十方如來憐念眾生，如母憶子。】此明佛常念眾生。【若子逃逝，

雖憶何為？】此明眾生不念，有應無感也。【若眾生心憶佛念佛，現前當來必定見佛，去佛不遠。】此明眾生念佛，感應道交也。此實彌陀世尊同體大慈悲善根力，隨緣赴感，應物垂形，不思議用。苟明此理，佛入何疑！

◆眾生心淨，法身自在，故能入眾生心想中。如白日昇天，影現百川。（乃約感應道交釋）

※《觀經疏妙宗鈔演義》云：「滿足始覺，名為報佛。究顯本覺，名法性身。始本既冥，能起應用。然須能感，應方現前。故云：眾生心淨，法身自在。此二道交，是為入義。天喻本覺，日喻始覺。白日升天，喻始合本；影現百川，喻應入淨想。」

○《華嚴經》說：「一切諸佛剎，平等普嚴淨，眾生業行異，所見各不同。」

※《華嚴經》·問明品云：「一切諸佛剎，莊嚴悉圓滿，隨眾修行異，如是見不同。」

※《大乘起信論》云：「問曰：若諸佛有自然業，能現一切處，利益眾生者，一切眾生，若見其身，若睹神變，若聞其說，無不得利，云何世間多不能見？答曰：諸佛如來，法身平等，遍一切處，無有作意故，而說自然。但依眾生心現，眾生心

者，猶如於鏡。鏡若有垢，色像不現。如是眾生心若有垢，法身不現故。」

※《像法決疑經》云：「今日座中無央數眾，各見不同。或見如來入般涅槃；或見如來住世一劫；或見如來住無量劫；或見如來丈六之身；或見小身；或見大身；……或見法身同於虛空。或見此處娑羅林地，悉是土沙草木石壁；或見此處金銀七寶清淨莊嚴；或見此處乃是三世諸佛所行之處；或見此處即是不可思議諸佛境界真實法體。」

※《占察善惡業報經義疏》卷下云：「譬如同在一處，天見琉璃，魚見窟宅，人見清水，鬼見膿血炭火，離彼四類有情心想，何嘗別有法相可得。又如同一美女，有欲男子視之，以為妙好；等輩妒婦視之，以為怨家。魚見之深入，鳥見之高飛，麋鹿見之決驟。不淨觀人視之，以為行廁；出世聖人視之，知其本空；入假菩薩視之，知其能為十界染淨緣起；佛眼視之，知即法界實相。舉此一法，總不出於十界各自心量，心外無境。一切諸法，例皆可知。」